

"ARUBAANSE COURANT"
diariamente cu excepção di
diadomingo.

subscripción f. 3.25 pa luna.
edición los 20 ct.

edita pa:

N.V. Arubaanse Drukkerij- en
Uitgeverij- en Publiciteits Mij.
Nassaustraat 85 O'Stad Aruba N.A.

imprimi na:
N.V. Drukkerij "De Stad"
Theaterstraat 11, Willemstad Curacao

Telefoon 1116 Directiva y redacción.

2116 Anuncio y subscripción.

Directeur hoofdredacteur: D. Wolff.

ARUBAANSE COURANT



Diario pa



Aruba



optica moderna



SPRITZER + FUHRMANN

No. 4586

Anja 23

DIALUNA 11 DI MAART 1963

MINISTER ALEMAN TA NENGA ARRESTACION DI BIDAULT

MUENCHEN, 11 maart — Despues cu minister di Beieren di Asuntu Interino, Heinrich Junkers, a participa na Muenchen, cu Georges Bidault ex-prome minister di Francia y lider dje congreso nacional ilegal anti-Gaullista di oposicion a wordu aresta, el a declara despues cu nan a hanja sa unda Bidault y su ambas ajudantenan ta sconde. E lider aki y su complicenan ta na Steinebach, y no por a wordu aresta. E indicacionnan tocante su refugio e minister a hanja foi un corant Frances.

Minister Junker a bisu un periodista di D.P.A. cu e no a warda cu su declaracion tocante Bidault, pasobra semper prensa ta hanja sa algu prome. E kien a evita pa expande rumornan tocante un arrestacion.

Junkers a pone acento, cu Bidault por bai libremente unda cu e kien. E ex-prome minister a declara voluntariamente cu e lo keda na Steinebach. E cas ta un propiedad di un periodista Hulandes. Nan mester dicidi ainda mas lihe posibel tocante un peticion pa asilo. Tambe na Beieren Bidault por pidi asilo.

Na Bonn te ainda nan no a tende nada tocante un peticion di Bidault pa

asilo politico, y un vocero di gobierno a bisa, nos ta aclarando preguntanan. Bidault a bisa foi seis di februario te tres di maart dje anja aki den e lugan Honpen cerca Fuesen. El a inscribi den e hotel "Seeblick", como profesor Maurice Berger. E donjo di hotel no a sospecha mes quen el a abriga.

ENTREVISTA CU SOUSTELLE

BONN, 11 maart. — "Deutsche Zeitung" situá na Keulen, a publica awe un entrevista cu Jacques Soustelle, un dje lidernan dje congreso nacional di oposicion anti Gaullista. Tocante un lider di exercito secreto secuestra ulimamente foi Muenchen. Soustelle, a bisa cu Argoud tabatin como trabao, pa tuma contact na Alemania West cu prensa y explica actitud anti Gaullista. E secuestraion di Argoud a muestra, cu ta traha den republica federal gruponan guerrillero y di spionaje, segun Soustelle. Nan no a anuncia unda e entrevista a tuma luga.

LABOUR TA SPERA E ANJA AKI ELECCION

DERBY, 11 maart. — E lider interino dje partido socialista di Gran Britania, George Brown, a participa ajera, cu partido laborista ta prepara, pa si acaso nan por tene na mei o october eleccionnan na Inglatera. Asina un noticia foi Derby na Inglatera a anuncia.

PAPA TA GRADICI CHROESIEF

MOSCU, 11 maart. — E Agencia Ruso di prensa Tass a participa, cu Papa Johannes a gradeci prome minister Chroeshef pa un telegram en honor dje premio di paz di instituto Balzan. Papa na su beurt a manda su mihor deseonan pa e lider y pueblo Ruso. Segun Tass, tambe Papa a segura Chroeshef, cu e lo keda lucha pa justicia y fra enidad berdadero internacional y pa paz mundial.

Riba e portret aki cual nos a ricibi for di Antillen Huls na Den Haag, nos ta mira con e ministro plenipotenciario di Antillas W. F. M. Lampe ta firma e acuerdo di asociacion di Antillas cu E.E.G. na Brussel. Na drechi di Lampe e secretario di estado Holandes dr. Van Houten; na robes e ministro di finanzas di Antillas O. S. Henriquez.

Despues cu Bidault a sali foi e hotel nan a reconoce nan huesped foi portretnan. Secretaris di Bidault, Guy Ribaud, tabatin e number di Carlo Pontani. Bidault a yega Honpen cu un Volkswagen foi Muenchen.

ADZJOEBEI TOCANTE PASTERNAK

VENECIA, 11 maart. — Na Venecia Alexei Adzjoebel, suero di Chroeshef y hefe redactor dje corant Ruso di gobierno Izvestia a participa ajera noch cu e escritor Boris Pasternak a hanja ulimamente e premio Nobel pa un boeki cu e no ta hanja nada ne. Riba preguntanan despues di un discurso — Adzjoebel a bisa, cu Pasternak ta egoista. E no ta traha pa un ideal. Cada comunista berdadero mester rechaza e boeki cu el a hanja prijs pe titula Dokter Zjivago.

EGYPTO CERCA LIGA ARABE

CAIRO, 11 maart. — Egipto a dicidi, pa uni cu e Liga Arabe y reanuda su actividadnan den esaki. Asina e corant di Egipto "Al Ahram", a participa awe. Egipto a boycoea e liga foi cu e congreso di organizacion aki a reuni na agosto di anja pasa na Libanon pa trata un keho di Siria tocante menguacion di Egipto den asuntunan interior.

BAPOR ATOMICO MERICANO „SAVANNAH" PA EUROPA

NEW YORK, 11 maart. — Cientificonan Mericano lo dicidi pronto, cu e bapor Mericano „Savannah", stiba pa energia nuclear lo ta suficiente seguro pa un prome viahe riba Atlantico, asina nan a tende na New York.

Segun e actual planann e bapor di carga di 12.000 ton lo sali cumintamento di juni foi haf di New York pa bishita Alemania West y Gran Britania. Si esaki lo tuma luga ta depende ainda dje resultadonan di inspeccion extenso cu nan ta emprende riba orden dje comision Mericano pa energia nuclear.

„Savannah", cu a wordu construi 4 anja pasa como e prome bapor nuclear na mundu dje flota mercantil, ta actualmente den un droogdok na Galveston, Texas despues di un viahe exitoso di 32.000 km. den awanan Mericano.

Nan ta haciendo algun cambio den e bapor. Segun expertonan dje astillero relaciona, e reactor nuclear dje bapor ta completamente en orden y no ta existi peliger pa radiacion. E cambio nan cu ta tumando luga actualmente, ta solamente kestionnan di rutina, asina nan a bis, Savannah, lo bishita prome Alemania West y Gran Britania. Despues e bapor aki lo regresa New York pa sali atrobe pa scandinavia y posiblemente Irlanda.

Si no tin dificultadnan nan lo bishita e veyano aki, Holanda, Belgica y Francia y despues Portugal, Spanja y Italia y te delaster e bapor nuclear aki lo bishita hafnan Griego y Turco den



Esaki ta un portret tuma for di un aparato di television ingles di e ex-premier Frances Bidault durante su entrevista cu B.B.C.

FUND RAISING BANKET DI P.P.A.

ORANJESTAD, 11 maart. — Dia-sabra ultimo PPA a tene un „fund raising banket" na Aruba Caribbean Hotel-Casino. Esaki a wordo organisa pa hanja tondo, pa e venidero campanja di eleccion. Oradornan d' e anochi tabata minister E.O. Petronia y e deputado F. J. Tromp. E program a wordo anima pa trio Las Campirany Los Caribos y Conjunto Folklorico Arubano di senyor Sixo Croes.

E LISTANAN A HANJA NUMBER Y COLOR

ORANJESTAD, 11 maart. — Dia-sabra mainta, e listanan di e partidonan politico na Aruba cu lo tuma parti na e eleccion venidero pa Eilandsraad, a hanja nan number y color. Esaki a tuma lugar na e Hoofdschouwburg. Esta number un ta P.P.A., cu color oranje, number dos A.N.P., cu color berde y number tres U.N.A., cu color cora.

MARTIN HUESPED DI H. & I.

ORANJESTAD, 11 maart. — Sr. L.G. Martin, un trademark commissioner di Australia, lo ta huesped di e directiva di Arubaanse Vereniging voor Handel & Industrie, na un lunch cu lo wordu duna awe tardi den „De Olde Molen". Na e lunch lo ta presente d'ferente miembro nan di H. & I.

teritorio di Mediterraneo. E serie di bishitanan aki mester termina na maart di 1964. Maske e viahenan pa Europa lo wordu haci cu bista riba bishitanan di demostracion „Savannah", lo tuma algun pasahero abordo y vena e contenido di 400 ton parcialmente cu mercancías.

SENJOR DONOVAN A WORDE ELIGI PRESIDENT DI ROTARY

ORANJESTAD, 11 maart. — Sr. F. C. Donovan, general manager di Lago, a wordo nombra president di Rotary Club na Aruba. E ro miembro nan di directiva cu a wordo eligi pa e anja venidero di e asociacion ta: senjornan G. A. (Dolfi) Oduher como vice-president, E. Byington como secretario, L. Mansveld como tesorero y H. F. Xouzy, P. Wurtz y A. J. C. Hazenberg como comisionan. E directiva lo wordo instala na luna di juli.

V. C. FULLER TA BAI LAGA LAGO

SAN NICOLAS, 11 maart. — Dia 14 di maart venidero lo ta e ultimo dia cu senyor V. C. Fuller lo ta na Aruba. Senyor Vincent C. Fuller kende ta manager di General Service Department di Lago, ta bai laga Aruba pa bai goza di su pensioen. Senyor Fuller kende a cuminsa traha na Aruba dia 11 di juni 1930 den bar di e club, a traha 30 anja na Lago.

„BONBINI HOLIDAY" DIAMARS NA ARUBA

ORANJESTAD, 11 maart. — Diamars anochi p.v. pa 6.30'or KLM lo presenta e pelicula di propaganda „Bonbin' Holiday" den e sala di conferencia di Aruba Caribbean Hotel pa un grupo chikito di invitados. E pelicula di color cual a ser saca na december 1961 pa en-argho di KLM na Antillas, a ser traha cu e chikito pa haci propaganda pa Antillas den exterior. B.C. di Aruba a ser invita.

NOTICIA DI POLIS

Choke

Diabierna atardi mas o menos 4'or y mei tabatin un choke ariba caminda principal banda di warda di polis na Savaneta, entre e auto A-7829 y e auto D-240, maneha respectivamente pa F.W. y J.K. Motivo di e choke ta cu ora cu D-240 tabata pasando un otro auto ariba caminda principal, A-7829 a subi e caminda, resultado 600 florin di danjo material.

Un wiel a bai lage

Banda di 7'or y cuarto, diabierna anochi, e autobus A-4652 maneha na J.P. a merde e wiel atras na banda robes den Boerhaavestraat. E cinco wielhoutnan a kibra, pa motivo cu e boutnan kizas a wordo cerra dimas.

A corre bai

Diabierna anochi un cuarto pa nuche asistencia di polis a wordo pidi pa un persona ariba un scooter cu tabata corre banda di Porta 6 di Lago. Ariba caminda pa Porta 6 polis a mira un scooter cu tabata corre sin luz ta biniendo di direccion di Porta 6. Polis a soma e chauffeur di scooter na nara, pero como cu e persona no tabatin mucho gana di combersa cu polis el a aumenta velocidad y busca moda di lava polis atras. Den eia 800 e scooter a drenta un han-ñi di santa cu ta pasa den un cunucu y a desparce. Polis ta investigando e caso.

A perde

Josef Wolf di Alto Vista 5, a perde diabierna merdia 6 pda biljechi di Corow cu number 2245.

Olimpia Hernandez di Pavia 7, tambe a merde diabierna atardi biljechi di Corow, cu number 23394.

Good handwriting
starts with
a good pen...

PARKER SUPER "21"

Aa Bb Cc Dd Ee
Ff Gg Hh Ii Jj Kk
Ll Mm Nn Oo Pp
Qq Rr Ss Tt Uu
Vv Ww Xx Yy Zz
1 2 3 4 5 6 7 8 9 0

FL. 10.—

Ask any educator or businessman. He'll tell you that an important ingredient of success is good handwriting. And what better way to develop good, legible handwriting than with a quality fountain pen... a Parker SUPER "21" pen.

The Parker SUPER "21" is designed to help your handwriting. Its smooth electro-polished point glides over the paper smoothly and surely. Its exclusive feed meters the flow of ink from reservoir to paper providing just the right amount of ink at the point. An improved ink collector assures better-than-ever protection against leaking.

No wonder the Parker SUPER "21" is the favorite pen of so many successful men. They know the SUPER "21" represents the finest value in writing instruments today. See it at your Parker dealer's soon!

a product of

THE PARKER PEN COMPANY

Maker of the World's Most Wanted Pens 0-2121

Agents: MARCHENA, MORON & CO. N.V.

DIRECTIVA NOBO DI GRUPO POLITICO BONAIRIANO P.P.A.

ORANJESTAD, 11 maart. — Durante un reunion di miembro di dia 7 up na cas di e miembro di Eilandsraad Bonaairiano Jose M. Leonardo di PPA den Boylestraat na Oranjestad, e Grupo Politico Bonaairiano di PPA a elegi un directiva nobo, den cual senyor Jose M. Leonardo a keda nombra como presidente. Sr. John R. Hari como vicepresidente. Sr. Marcelino W. St. Joz como secretario y Sr. Virgilio B. Davelaar como tesorero. Mientras como comisionan a keda nombra Sr. Eugenio E. Janga, Augusto Marchena, Victor M. Silie, Ricardo B. Statie y Joseph A. Martijn. Como advisor a keda nombra Sr. Julio L. Martis.

ARUBA BANK TA JUDA TURISMO

ORANJESTAD, 11 maart. — Pa estimulacion di turismo na Aruba, Aruba Bank aki pone dia pasa a cuminsa manda post-card di color pa algun centenares di relacionnan den exterior. E kaarjinan ta muestra algun aquarel di Aruba di e conocido pinor Holandes, Pandelis, mientras cu parti patras den un texto cortico nan ta hala atencion riba e beachnan, clima, shopping-centre, paisahe y otro atraccionnan cu e isla ta ofrece na isveridornan di exterior, den eia especialmente nan ta pone acento riba e gobiernu stabiliza. E texto di e kaarjinan a ser comone cu cooperacion di Sr. Michael Kuiperi, hefe di Oficina di Turismo di Aruba.

PROME EXCURSION DI STO. DOMINGO NA ARUBA

ORANJESTAD, 11 maart. — Cu un vuelo especial di Aerovias Quisqueyanas, e compania aerea Dominicana a jega diabierna un grupo di 30 excursionista Dominicano na Aruba. E trinta hendenan aki a bishita Aruba durante e weekend aki. E visitantenan tabatin gran interes pa e centro di compras di Oranjestad. E viahe di Santo Domingo na Aruba a ser haci cu un DC-3, den curso di diadomingo nan a regresá.

Nan ta spera, cu despues di e excursion di e weekend aki pronto mas lo sigui, mientras nan tin intencion pa cifre cada bishita un estadía di algun dia na Sto. Domingo na gruponan di Aruba den e mesun weekend. Nos a ser informa cu e compania aerea menciona a pidi B.C. permit na habri servicionan regular pa Aruba. B.C. lo consulta tocante evey ainda, segun nos informador.

FATUM — Tel. 1845
pa tur bo aseguronan

TOERNOOI DI JUDO DEN LAGO SPORT PARK

SAN NICOLAAS, 11 maart. — Awe lo tin un „judo-eliminatie-toernooi" cu lo wordo organisa na Lago Sport Park. E intencion ta pa hanja e mihor dosnan di cada categoria, cu e ora lo tin un enencontro dia 12 cu Mariniernan. E ganador di e anochi y lo ta e kampioen di Aruba. Asina cu awor indo tambe a wordo introduci na Lago Sport Park. E enencontronan di awe lo wordo teni den e gymnasium di Lago Sport Park, y esunnan di dia 12 ariba e tennisbaan.



FUND DRIVE L.C.C. SEGUN UN PROCEDURA NOBO

ORANJESTAD, 11 maart. — E anja aki ora di e coleccionan anual di L.C.C. Community Council, un procedura nobo lo worde usa. E coleccion lo ta dividi den tres parti: 1. placa cu lo worde usa pa trabao social y beneficencia na Aruba; 2. institucionnan na Merca, Canada y Europa di cual e organizacionnan na cual kier worde duna (di di worde menciona, y di 3. otro objeto nan cu no a worde menciona.

Lote ta nobo na e moda di collecta aki ta cu si e placa cu worde manda, no ta na nomber di un di e institucionnan cu lo worde menciona, e donador ta hiba su placa bek. E institucionnan di Merca y Canada na cual por worde duna ta: American Cancer Society, American Heart Association, American Red Cross, Boys Town na Nebraska, C.M.E.L. Canadian Anti-Cancer Fund, Canadian Salvation Army, Canadian Cancer Fund, Cerebral Palsy Fund, March of Dimes, National Association for Retarded Children, N.Y. Hospital, Cornell Medical Center, Pediatric Cancer Fund, Salvation Army y Save the Children Federation Inc. Na Europa e institucionnan menciona ta: British Red Cross, British Cancer Research, Dr. Barnardo's Home, International Red Cross, King George's Fund of Sufferers, Netherlands Hemophilia, Netherlands Red Cross y French Red Cross. E lista ta worde tramita cu nomber di dr. Albert Schweitzer Foundation.

Fanja aki tambe lo worde trata pa cada habitante di Seroc Colorado duna algo. E coleccion na anja 1962 a hajar 31.000.— dollar Mericano. Di esey 2.309.— dollar a bai na institucionnan y actividadnan den Seroc Colorado 6.266.— dollar na institucionnan na Aruba pafor di Seroc Colorado 3.950.—



General-majoor der mariniers J. Nass, comandante di e cuerpo di Marinier, ta regresa pa Hulanda diabierna p.v. despues di a orienta su mes extensamente na Antillas. Diahuebs anochi e comandante di Marinier na Antillas, kolonel der Mari-

niers A.M. Luyk y su esposa a ofrece un recepcion di despedida na su honor. Entre e presentenan tabatin Gobernador N. Debrot. Aki nos ta mira gezaghebber M.P. Gorsira y su esposa durante nan saludo.

dollar pa Merca, 652.— dollar pa Europa y 832.— dollar pa otro lugarnan.

El resto di e 17.413.— dollar pa cual no a worde bisa pa unda e fin di bai, e programa di recreacion pa muchanan di Seroc Colorado a worde vida, e Community Band Junior Esso Club, e Jeugdcafé, e picnic dia 4 di juli, y e fiesta di Pascu pa muchanan chiquito y pafor di Seroc Colorado Casa China, Noorse Zeemans teluis, Winkel Society,

Klim Fund, Prinses Emma Lenta Fonds, e Baby Fonds, Wil-Gele Kruis, Oranjestad Little League, fiesta di Pascu pa Marinierman y un persona cu tabatin mester di un bril.

UN CABIZA A COSTA 50 FLORIN

ORANJESTAD, 11 maart. — Dia 1 di februari algun amigonan tabata sinti bunto ta bebe nan rom. Na un cierto momento un tal E. kende ya tabata "apata-pata", tambe a bin aacerca. Pero E. no por a domina su mes mas y a cuminsa ofende un di su amigonan, J.S.K., esaki segun el a declara diabierna mainta dilanti huez, a lanta y kier a bai lega e cronan, pero E. kende no tabata di acuerdo a tene, e ora J.S.K. a dal E. un cabiza. Tumando cuenta cu e situacion den cual e cabizamento a tuma lugar, huez a castiga E. cu un boei di 50 florin.

Hincamento di man y pia den asunto di famia a costa 150,-florin

Diabierna mainta, e caso di E.B. kende a maltrata W.E. dia 10 di januari a dura hasta largo. E abogado di E.B. mr. P. V. Sijem Fat y e ofieter di justitie senior S. H.Tjon Ajong tabatin un duelo chinista di palabra cu otro fiscal e caso. E resultado tabata cu B. m a hajar castigo pa worde cera, pero cu el a hajar un boei di 150.— florin.

E motibo principal di e caso tabata, e yiu muher di 20 anja di edad d' E. kende a bai for di e cas di su majornan, pasobra su tata tabata ira e bruto y no kier pa su yiu muher casa cu e mucha bomber cu e kier. E mucha muher a keda na cas di manja di B., despues cu "pafor di Paradera a hibe awa. Pero su tata no tabata di acuerdo cu esaki, e tabata falta e yudanza di su yiu muher den cas pa haci trabao. Alfin a worde dicidi pa hiba e cuenta voogdijraad. Asina dia 10 di januari e tata a hiba su yiu muher voogdijraad, pero tambe e simpatizadornan di e mucha muher a bai. Despues di a trata e asunto na voogdijraad e tata tabatin su yiu bon teni pa hibe cas, pasobra ainda e mucha muher no a cambia di idea; leke a resulta den un rancamento di un banda pa otro. Un banda e majornan y e otro banda e simpatizadornan di e mucha muher. Na e momento cu e tata mester a laga e yiu bai, E.B. a presenta. Ora cu E. kier a dal B. a stoot, B. a dal E. un moketa y despues ora cu E. a dal abao y E. a hinc e man den sako, B. a dal E.

CHROESJEF TOCANTE ARTE ABSTRACTO

MOSCU, 11 maart. — Promer minister Chroesjef di Union Sovietica a ataca ajera den un discurso publico arte abstracto y a declara cu e ta adversario di biba pacificamente banda di otro di ideologianan socialista y civil riba terreno di arte. E lider Ruso a tene e discurso aki antecediendo na krenlin na un reunion di lidernan di partido comunista cu esenionan y aristanan. Chroesjef a bisa cu politiek Sovietico en bis ta di arte — ta un politiek leninista di rebazo di arte abstracto, formalismo y otro cambianan civil. Promer minister Chroesjef a recorda cu Lenin a lanta arte abstracto, ridiculo, inactual y absurdo. Lenin a recha tambe cada posibilidad pa diferents direccionan ideologico den arte Ruso hira pacificamente banda di otro, segun Chroesjef.

YABI

pa bo exito

Avisa den ARUBAANSE COURANT y compara e resultado!

Weita nos prijsnan y compara!
MASHIN DI COCE
pa solamente fl. 75.—
TELA NA JARDA wash & wear
for di 0,70 ct. pa jarda.
SAPATO PA DAMAS DI CUERO AMERICANO
for di f. 4.— pa'riba.
PANAMA STORE
San Nicolas — Tel. 5121

Ora nos ta papia di SERVICIO, nos ta meen tambe SERVICIO! Pa cualkier reparacion di bo radio, taperecorder etc. rapido, eficiente y economico, acudi na
Casa Electronica
(Banda di Viana) - Tel. 5371

BOTICA ARUBA "TIN TURCOS"
Awor nos tin un producto nobo:
KOSILI
Cu ta un jabon liquido pa banja baby. Bo baby ta haya un "foam bath" y "shampoo" sin peliger di pica su wowo. Si bo purbe un biaba bo no ta lagé pa ni un otro jabon.

Carniceria Principal
Wilhelminastraat No. 69
ta specializa den HAMBURGER, SAUSAGE y BLINDE-VINK.
Semper na existencia
TUR CLASE DI CARNI FRESCO.
Nos ta entrega bo pedidanan na cas,
JAMA TEL. 3254

AWOR BO POR CUMPRAREFRIGERADORA MARCA "HOTPOINT" di corriente

Awor cu wiel, hopi capacidad, gasta menos corriente y ta fria mucho miho!

GRAN FACILIDAD DI PAGO

ARUBA TRADING CO.

Defensa propio
E.B. un caballero hasta halto, kende tabata bisu masha elegante, di kende ta casi imposibel pa kere cu lo por tabata den un bringamento den Oranjestad, a declara diabierna mainta dilanti huez cu e dal E. den defensa propio, ora cu el a mira cu E. kier a saka un sambechi for di den su sako. Y e no a corre bai pa motibo cu e tabata hajar su mes responsabel pa e seguridad di e cronan.

Segun sr. Tjon Ajong e ta hajar cu a worde prueba cu tabata maltrato y no defensa propio. E acusado segun sr. Tjon Ajong a ataca E. sin mester, y loke ta empeora e asunto ta cu E.B. no tabatin nada di haje cu e asunto entre tata y yiu, y alavez a ataca E. ora cu el a laga su yiu muher los eha. Como cu B. su carichi di castigo tabata limpi ofieter van justitie a pidi un castigo condicional di dos siman sera cu un tempo di prueba di tres aña y 100 florin di boei.

Masha stranjo
Mr. Sijem Fat a bisa cu e pedimento fiscal di senior Tjon Along ta masha stranjo. El a splica cu su cliente tin algo di haje cu e asunto, na motibo cu e mucha muher a worde treci sera su majornan y a keda awa. El a bira agresivo, desmes cu pa gratitud di su intermediacion cu e asunto el a hajar un moketa di E. kende di justitie a haje ora cu el a mira, pakico e acusado no a corre bai ora cu el a mira cu e otro kier a saka un sambechi, sr. Tjon Sijem Fat a jama un presunta di den un "cuartito di estudio". El a nuntia si enberdad ta trata di un caso di maltrato segun ley.

RON CONDESA

Awor cada holder di RON CONDESA tin un papel bau di su capeta y masha hopi di e papelnan aki ta premia cu vale pa RON CONDESA y PA PLACA.

Bo por hajar un vale pa un Botter di Ron Condesa (4 tamaño) y tambe BO POR HANJA VALE PA f. 5.—, f. 10.—, f. 25.—, f. 50.— y f. 100.—

Por cambia e valenan aki na:
Oficina di Firma Jan C. Lacle of na Santa Cruz Bar of na e Rumshop unda Bo a compra Bo botter di RON CONDESA.

UN LOTE GRANDI DI Sapato pa Damas Na MITAR PRIJS

Pa articulo di calidad y e surtido mas grandi...

LA LINDA

PA ASUNTO DI VERTOS ta E ADRES especial!!

Semper na existencia gran cantidad di vert di calidad y di marcanan renombrada. Den tur color, pa interior y exterior.

VALSPAR — MAYON SISSON'S
verf Antillana

Tambe nos tin un gran surtido di articulo pa deporte, die e famoso marcanan SPALDING y CHAMPION.

ANTILLIAN MERCANTILE corp. inc.
Oranjestad tel. 1145 — San Nicolas tel 5635

Propaganda den YABI... ta aumenta bo venta!!

2116

Pa cualkier informacion, nos ta completamente na orde!

WANTED FOR POSITION IN ARUBA

Experienced employee to handle

GENERAL ADMINISTRATION AND BOOKKEEPING

in business enterprise dealing in general construction, technical agencies, building materials and real estate.


Applications to include: full information on schooling, experience and references as well as pertinent personal data.

Write to "ARUBAANSE COURANT", Nassaustraat 85, Oranjestad - Aruba,

mentioning on the envelope letter S. P.

CISCO KID presenta pa cortesia di ARUBA BOTTLING COMPANY e promer fabrica di refresco na Aruba, cu e produccionnan mas gusta y mas pidi. NESBITTS e refresco sin igual.

1. "Ta cual ta e misterio cu mi a resolve?" E ora Cisco Kid ta esun cu mi ta busca!"
2. "Ora cu Fernando a cambia su nomber ela secaa esun di un personaje real. Cisco Kid! Y casualmente nan dos ta den e mesun barco!"
3. "Mi tin un trabao na honnan awe nobi! Y mi ta awa hontan cu no a fall pa eha cu e berdadero Fernando!"




PEPITA

E mehor adres pa VERF, KWASHI, TUR CLASE DI HERMENT, articulos sanitarios.

Unico eos cu su cliente kier a haje ta kha e peliger cu a resulta, ora cu E. kier a saka e sambechi, y esaki door di elimina E. En contesta ariha esaki ofieter di justitie a bisa, cu loke ta sigur ta cu B. a skop promer cu e otro a habri e sambechi, y cu no tabatin motibo pa acusado supone cu e lo worde ataca. Segun ofieter di justitie aki no por worde bisa cu ta un asunto di defensa propio ya cu no tabata existe e peliger directo cu E. lo alaka.

Huez a hajar cu segun ley e prueba a worde duna cu ta un asunto di maltrato. Segun declaracionan di acusado y mirones, a worde gedat y geskop. Huez a laga un banda e punto cu si B. tabatin intencion di haje danjo of no, pero intencion pa maltra a si tabata ey segun e huez. Huez tampoco a acepta e "defensa" di cu acusado a haje esaki den defensa propio. Tumando na cuenta e personalidad correcto di acusado, su "carachi di castigo" limpi, y cu nunca mas lo e comporta su mes di un manera asina, pero toch tumando na cuenta e consecucionnan grave, huez a castiga E.B. pa un castigo di 150 florin, sin castigo di prison condicional.



No obstante e janada di e premier Frances Pampidon pa reanuda e traban, e huelga di mineran Frances ta sigui mas cu un siman awor. Aki nos por mira un parada di e welgistanan den e ciudad Lens na Noord-Francia.

HUELGA DI TYPOGRAFONAN NA NEW YORK

NEW YORK, 11 maart — Editoran di corantnan Newyorkino y tipografonan en ta huelga ta participa, cu nan a yega completamente di ahenido cu otro cu excepcion di un solo punto. Esaki ta referi hanjamentu di un fecha comun, riba e contractnan cu e sindicatonan, cu ta representa e obreronan lo termina.

Solamente e gremio Mericano di corant den cual tur e periodistanan y personal di oficina ta reuni, mester aproba e fecha propone. E sindicato aki, a serra poco prome cu e huelga cuminsa un contract nobo cu un gran cantidad di corantnan Newyorkino. Ora cu nan venie e ultimo dificultad aki lo yega un fin na e huelga cu a dura por lo menos tres luna.

Diabierne pasa burgemeester Robert Wagner di New York, a papia tocante un acuerdo provisional. E editoran ta spera di por saca nan corant atrobe na tin die siman aki.

CHAOS FUTBOLISTICO NA SAO PAULO

SAO PAULO, 11 maart — Despues di un weg di football pa beker cu F.C. Santos a gana di Sao Paulo a keda atras un morto, 10 herido y un stadion completamente destrui. Sao Paulo cu ta junga den e ciudad aki tabatin gata cu 1 nadu, pero e footballista admirabel Pele no solamente a score e gol pa empate pero a tuma e 4 otroan tambe pa su entente. Su actividadnan tabata consecutiva pa gran consternacion riba tribuna. E publico altera kien a lynch e refectonan y otro kien a corra baha riba veld. Ora cu polis a ead hopi a hanta herida. Ta di dos biaha cu e publico ta molesta Pele. Esaki a pasa na un encuentro di F.C. Santos cu Corin Thiens caminda Pele a score dos goal. F.C. Santos ta exige awor na cada weg uq proteccion special di polis.

KESTION DI KREEFT ENTRE BRAZILIA Y FRANCIA

BRAZILIA, 11 maart — Ministerio Brasileno di marina a contradeci noticianan cu comandante die distrito di marina. Recife, cu a pisa piscadonan Frances, cu ta pisa Kreeft dilanti costa di Brasil, permit pa tuma na Recife awa y provision.

Segun e ministerio no solamente e haitan di Brasil no ta serra pa e trellaman Frances pero e bapornan aki lo hanta tur ayudo di fuente brasileno si nan mester hanjnan den dificultad.

Gobierno di Brasil a d'edi entre tanto, pa stop e viabnan di patrulla die bapornan brasileno di guerra banda die costa norocho, caminda seis treiler di Breagne ta pisa kreeft cerca e isla Fernando Noronha. E deliberacion diplomatico tocante e conflicto aki no a worde reanuda.

PROVISIONALMENTE FIN DI HUELGA NA URUGUAY

MONTVIDEO, 11 maart — Na Uruguay obreronan di fabricacion di energia y di servicio di telefon a autorisa nan lideran sindicalista, pa declara nan huelga cu va a dura dos siman como termina pa asina yuda e deliberacionnan cu gobierno tocante sueldo mas altu.

Loi e desicion, manea eun cu nan a tuma na e reunion masal na Montevideo, e resulta cu e pasu di ta provisionalmente y cu obreronan ta prepara pa continua e huelga, si e deliberacionnan no ta saca. Nan a mantene e provision di energia cu ayudo di militonan. Pero comunicacion di telefon tabata paralis durante e huelga.

ADENAUER TOCANTE COOPERACION FRANCES-ALEMAN

OLDENBURG, 11 maart — Cancellier federal Adenauer di Alemania West a bisa awe na un reunion di su partido cristian democraat di ta spera cu tratado Frances-Aleman pa cooperacion lo drenta pa mas laat na juni die anja aki den vigor. Te ainda Parlamento di Francia y di Alemania West mester anrobele. Despues president De Gaulle di Francia lo haci su signetur b'shita na Alemania West. Segun Adenauer un unificacion Europeo sin e comprenion y confianza entre Alemania West y Francia ta imposibel. Adenauer a seguita cu Alemania West ta completamente di acuerdo cu plannan di president Kennedy pa un flota Polaris multilateral di NAVO, cu mester yuda evita un atake Ruso nuclear riba Alemania West y contribui na mihlo relacionnan politico entre Merca y West Europa.

CONTRADICCION MERICANO

WASHINGTON, 11 maart — Ministerio Mericano di exterior a contradeci awe noticianan di Union Sovietica y China Comunista, cu Merca ta usa den Zuid Vietnam gas venenoso.

Ambietanman die ministerio a bisa, cu comunisman a acusa Merca pa e asuntu aki anja pasa. E agencia di prensa Nueva China a participa awe foi Hanoi, cu na noord Vietnam nan a tene demostracionnan contra expansion di produccion quimico perhudicable, cu imperialisman Mericano y e kliek die president di Zuid Vietnam ta parti pe poblacion inocente di Zuid Vietnam y pa destrui cosecha.

Segun Nueva China un emisora di radio die movimientu Zuid Vietnamese di liberacion a participa ultimamente, cu 5.000 persona den dos provincia di Zuid Vietnam a worde venena pa quimiconan venenoso.

CONSPIRACION CONTRA REY DI JORDANIA A FRACASA

CAIRO, 11 maart — E agencia di prensa di Egipto pa Mediano Oriente a participa, cu segun circulan Arabi hon informa na Bagdad nan a laga algun siman na Jordania un golpe di estado fracas.

Dia 24 di februari dia die fiesta Ma hometano Bafram nan mester a tumba e gobierno di rey Hoessein. E lider die conspiracion tabata segun e circulan menciona coronel Fahd, sub comandante die division panter di Jordania.

E coronel tabatin idea, pa proclama un revolucion despues di a kita rey Hoessein foi caminda. E tabatin comando riba 4 tanki di guerra, cu mester a proteha rey Hoessein durante e oracionnan Bafram. Rey Hoessein a sali pa Aqaba despues di descubri e conspiracion pa delibera cu oficialnan altu die servicio Britanico di spionabe. Nan a aresta un cantidad di oficialnan Jordanes y civilnan. Entre nan tabatin algun miembro die partido socialista Baath.

RUSK TOCANTE MEDIANO ORIENTE

WASHINGTON, 11 maart — Minister Mericano di exterior, Dean Rusk, a declara na un conferencia di prensa cu Merca ta pone hopi interes ne independencia y seguridad di nos amigonan na Jordania y Saoedi Arabia. Nan lo keda sigui e situacion den Mediano Oriente atentamente. Qu esaki ela responde e pregunta, si e ta preocupado tocante seguridad di e paisnan cu den eader die recien cambianan na Syria, Irak, y Jemen, caminda e gobiernonan nobo ta busca acercacion cu Egipto. Rusk, a seguita, cu e Mericano Ellisworth Bunker, diplomatico cu a realiza e acuerdo entre Hulanda e Indonesia tocante nioew Guinea occidental, a sali pa Saoedi Arabia pa duna e gobierno ayanan tocante varios kestion entre ead e situacion na Jemen, su conseho.

SATELITE FRANCES

WASHINGTON, 11 maart — E oficina Mericano pa viahe esecial a participa ajera noch cu foi cuminzamento 1965 nan lo lanza foi Cabo Canaveral e prome satelite Frances cu ayudo die raket Scout Mericano di 4 piso. E satelite aki lo worde construi baa di responsabilidad die centro Frances pa viahe esecial, segun un anuncio. E plan aki a tuma lugu den eader di un programa comun pa estadia procreacion di ondanan di radio di frecuecianan misa abao. E satelite Frances tin e nomber codico "Francis-1".

E lo describi un orb'a elips rond di mundu na un altura entre tres cien y tres mil km. E resultadonan die pruebaan lo worde pone segun e protocol firma pa Merca baa di disposicion di tur cieatificonan di mundu cu tin interes.

DEMOSTRACIONNAN ANTI BRITANICO NA SOMALIA

MOGADISJOE (Somalia), 11 mrt. — Na Hargeisa na Somalia nan a proclama awe un prohibicion di salida despues cu demostrantenan a kibra drenta den oficinan Ingles y a causa danjo ne consulado Britanico. Asina nan a anuncia na Mogadishoe, Despues nan a proclama na Mogadishoe na Somalia un prohibicion di Salida. Gobierno di Somalia a reuni awe pa conferencia tocante e anuencia Britanico pa forma un region nobo na Ke'a caminda hopi habitante di Somalia ta biva. E distrito aki lo hanta un autonomia limita y lo no uni cu Somalia, asina e minister Duncan Sandys a declara.

PROTESTA RUSSO CONTRA INGLATERRA

LONDON, 11 maart — Union Sovietica a protesta cerca Inglatera contra un atentado di hom na e oficina die agencia di viahe Intoeist, cu ta situa den sector Ingles na Berlin West. E explosion a causa hopi danjo. Den e nota Ruso nan a menciona probocacionnan peligroso y inaceptabel contra oficina di Intoeist na september y oktober di anja pasa.

Union Sovietica la exige di gobiernu Ingles, pa tuma inmediatamente medidnan pa hanta e culpabelnan y castiga nan pa evita un repeticion die accionnan cu ta stroba funcionamiento normal die organizacionnan Ruso den sector Ingles.

SYRIA DESPUES DI E GOLPE DI ESTADO

BEIROET, 11 maart — E prome minister nobo di Syria, Bitar a presidi un reunion di gabinete caminda nan a pisa di principnan die gobiernu revolucionario, asina radio Damasco a participa. Un corespondent di Reuter a anuncia foi capital di Syria, cu tabata ayanu masha ketu. Na e puntunan strategico tabatin tanki di guerra y artilleria aerea.

Ex comandante supremo di tripanan di Syria, Zahreddin, por a regresa poco despues di su arestacion pa su cas cu mescos cu otro casnan die otro miembros na wordu vigila pa militarnan. Ta parece cu ex-president Nazem Koedsi ta sano y salvo.

Segun algun observadornan den capital di Syria e golpe di estado, mescos cu esun anterior na Irak, a hanta un caracter anti comunista. Nan ta busca e president interino die partido comunista di Syria. Ta parece cu nan a aresta tambe hopi elementonan izquierdista. Segun circulan bon informa e gobiernu revolucionario a duna amnestia na 16 oficial, cu a hanta castigo despues die revolucion sangriento na Aleppo na april di anja pasa.

Gabinete

Den e gabinete nobo di Syria di 20 persona, 14 socialista tin sesion. Diez di nan entre ead e promer minister Salah Bitar di 51 anja, ta miembro die partido Baath, mientras e 4 otroan ta uni cu e Union Socialista. E cuatronan aki ta wordu considera como pro Nasser.

Segun viaheronan, cu a yega for di interior di Syria na e lugu di frontera

POMPIDOU TOCANTE HUELGA

PARIS, 11 maart — Den un discurso pa television prome minister di Francia Pompidou, a haci ajera noch un apelacion riba mineronan cu ta huelga pa reanuda trabao. E proposicionnan di sueldo di gobiernu ta merese algu mas mihlo cu worde rechaza sin ningun comprenion, segun e prome minister, quende su discurso nan a spera cu "ension. Esaki tabata contene nada mas qu un repiticion die punto di bista di gohierno. E sindicato comunista a declara despues di discurso di Pompidou, cu gobiernu ta nenga pa tuma den consideracion exigencianan justificada die mineronan. Nan lo continua huelga unanimemente, segun e sindicato.

FORBES BURNHAM NA NEW YORK

NEW YORK, 11 maart — E lider mas importante die oposicion na Guyana Ingles, Forbes Burnham, a bisa awe na New York, cu ta reina gran inquietud na Guyana Ingles. E pais ta na borde di un bankaruta y "in un cifra di desempleo di 21 por ciento, segun Burnham. E lider di 40 anja die partido popular nacional di congreso a haci ajera un apelacion na Nacionnan Uni pa apoya un referendum na Guyana Ingles pa lliga na un sistema di representacion proporcional na e eleccionnan. Ela participa durante un conferencia di prensa cu na cuminzamento di otro siman e lo sali pa Georgetown, caminda e lo tene dia 17 di maart un demostracion contra desempleo. Burnham a bisa, cu tin miedu, cu partido progresista di prome minister Jagan lo hanta poder despues di independencia cu ayudo di un minoridad electoral y lo por para bira un gobiernu comunista.

Jedeidet Jabbes, e golpe di estado na Syria a tuma lugu sin derramamento di sanger. E poblacion a demostra den cayanana alegria.

President Sallal di Jemen a reconose gobiernu nobo di Syria.

ACCION DI RESISTENCIA NA VENEZUELA

CARACAS, 11 maart — Tres miembro amia die movimientu nacional prohibi di liberacion a nort a ajera na un robo ga Caracas riba un banco 10.000 florin antillano. Nan a cohe como roben e director cu nan a laga ora cu nan a llega afo den libertad.

Segu un anuncio die ministerio Venezolano di asuntunan interior polis a detene cinco miembro die partido comunista, cu tabata preparando a'entadonan riba un fabrica di estado di Iusale y uq empresa Mericano di Rubber. Nan a confiscar entre otro 17 scopet.

SIRIA Y REPUBLICA ARABE UNI

LONDON, 11 maart — Siria y Egipto a uni cu otro na anja 1958 den Republica Arabe Uni. Despues di un exitoso revolucion na anja 1961 Siria a bolbe separa for di Egipto. E lidernan di e revolucion a bisa cu nan a tanta contra e tirania y corrupcion di president Nasser.

Dia 28 di maart di anja pasa e heredito di Siria a tuma poder over sin cu tabatin dramamentu di sanger y nan a nombra Dr. Basijr Azmech como premier. Esaki a reira anja pasa na september y Khaled al Azem a sigite.

E relacionnan entre Siria y Egipto no ta masha bon for di despues di e separacion.

Na Jemen e actual gobiernu militar te ainda ta manteniendo su posicion cu yudanza militar di Egipto.

Manera ta conoci e actual regimen na Jemen a bini na poder despues di un golpe di estado dia 26 di september anja den cual nan a baha Iman el Badr for di su trono.

INGLATERRA TA PROTESTA CERCA NACIONNAN UNI

LONDON, 11 maart — Inglatera a protesta cerca Union Sovietica contra actuacion di agov'entan Ruso contra Ivor Rowsell, quende ta forma parti di embahada Ingles na Moscu.

E ministerio Ingles di exterior a laga sa, ajera cu agentenan Ruso a tra'a en vano pa laga Rowsell traha pa nan. Nan a menace di publica un suceso for di su bida priva. Rowsell ta traha como ambtenaar di transport na e embahada.

PERSPECTIVONAN ECONOMICO NA MERCA

NEW YORK, 11 maart — E gashashinan di companian Mericano lo aumenta e anja aqui cu un millar te na 27 milia; compara cu anja pasa, asina e oficina di inversion di e compania Mericano Galvin Bullock a pronostica. Den su ultima edicion di e revista "Perspective" e compania ta bisa cu probablemente e entranan exacto di e companian industrial lo aumenta te na 37 of 38 miljon dollar contra mas o menos 35 miljon dollar anja pasa.

BO HOROSCOPO PERSONAL

ARIES
21 Maart — 20 April



Awe bo a mester desculda bo relacionnan den exterior, nan lo kien apoya bo i-deanan.

TAURUS
21 April — 20 Mei



Awe por bini algun sorpresa inespera den bo relacionnan cu amigonan y conocinan.

GEMINI
21 Mei — 20 Juni



Awe la un dia favorable pa asuntunan di trabao y negoshi, bo por spera un recompensa.

CANCER
21 Juni — 22 Juli



Un persona importante por haci hopi pa bo awe y influencia bo trabao di negoshi.

LEO
23 Juli — 22 Augustus



Aspectonan ta muestra riba algo inespera agradable, despues di atardi aspectonan ta bon pa d'berticion.

VIRGO
23 Augustus — 22 September



Si bo ta hanta cu e problema manan ta bira mucho grandi bo por acudi cu exito cerca mayornan y superior nan.

LIBRA
23 September — 22 Oktober



Awe lo bira un dia ocupadísimo pa bo, tene cuenta cu esey. Pone decisionnan importante.

SCORPIO
23 Oktober — 22 November



Acen'o ta cai riba finanzas awe, pereira pa bo paga bo debenan na tempu.

SAGITARIUS
23 November — 21 December



Aspectonan di planetanan ta muestra riba popularidad den bo grupo. No haci cambianan.

CAPRICORNUS
22 December — 19 Januari



Cambianan inespera por surgi awe pa bo, mihlo cos ta pa trata pa conforma bo mes.

ACUARIUS
20 Januari — 18 Februari



Awe tin bon aspectonan pa actividadnan creativo y artistico, contactonan cu publico.

PISCES
19 Februari — 20 Maart



Un dia sumamente favorable pa interesnan financiero y privado. No duda, y actua cu firmeza.


BUCHI ROBEZ

presenta pa cortesia di:

REFRESQUERIA INGRID

TEL. 1849

★ e mehor adres pa snacks, tur clase di dushi, softdrinks, ice-cream y revistas



Mas cu f 650,— Ant. y 12 luna di trabao e Ingles di 21 anja David Bennet a dedica na e modelo aki di un P 51 Mustang conoci for di ultimo guerra. E modelo cu tin direccion radiografico tin un receptor di 10 canal y por alcanza un velocidad di 90 km. pa ora cu su motor di 10 c.c. E alanan ta midi 1,80 meter. David ta spera pa participa cu e modelo aki na e campeonato mundial pa modelonan cu direccion radiografico, cual lo tuma lugu na Belgica e anja aki.

DR. DREES DEN POLITICA ACTIVO ATROBE

AMSTERDAM, 11 maart. — E minister di estado, quende na juli awor ta cumpli 77 anja, lo regresa pa un periodo corticu den politica activo. El a declara cu e ta dispuesto pa tuma direccion di e fondo di eleccion di Partij van de Arbeid.

Partij van de Arbeid a cambia number di e fondo y a hacie "Dr. Drees Fonds".

Tambe Dr. Drees lo hiba palabranan un cantidad mas grandi di reunionnan cu e partido lo tene den venidero campanja di eleccion.